

四庫全書

子部

胡豆子

東廬

麥苗

糟筍中酒

社酒

蓬草子

寒食麥仁粥

醋味酸溫無毒主消癰腫散水氣殺邪毒

陶隱居云醋酒為用無所

不入逾久逾良亦謂之醢以有苦味俗呼為苦酒丹家又加餘物謂為葦池左味但不可多食之損人肌藏唐本注云醋有數種此言米醋苦蜜醋麥醋麴醋桃醋葡萄大棗葵蓂音煨等諸雜果醋及糟糠等醋會意者亦極酸烈止可嗽之不可入藥也臣禹錫等謹按陳藏器云醋破血運除癥塊堅積消食殺惡毒破結氣心中酸

水痰飲多食損筋骨然藥中用之當取二三年米酢良  
蘇云葡萄大棗皆堪作醋猶不入藥況于果乎孟詵云  
醋多食損人胃消諸毒氣能治婦人產後血氣運取美  
清醋熟煎稍稍含之即愈又人口有瘡以黃藥皮醋漬  
含之即愈入牛馬疫病和灌之服諸藥不可多食不可  
蛤肉同食相反又江外人多為米醋壯人多為糟醋發  
諸藥不可同食研青木香服之止卒心痛血氣等又大  
黃塗腫米醋飛丹用之日華子云醋治產後婦人并傷  
損及金瘡血運下氣除煩破癥結治婦人心痛血氣藥  
力殺一切魚肉菜毒又云米醋功用同醋多食不益男  
子損人顏色

食療

治疫癘醋煎大黃生者甚効用米醋佳小麥醋  
不及糟多妨忌大麥醋微寒餘如小麥也氣滯

風壅手臂脚膝痛炒醋糟裹之  
三兩易當差食多損腰肌藏

外臺秘要

治轉筋取故綿以釀醋浸甌中蒸及熱用裹病人脚冷更易勿停差止

又方

治風毒腫白虎病以三年釀醋五升熱煎三五沸切葱白二三升煮一沸許漉出布帛熱裹當病上

熨之差為度

又方

瘡瘍風醋磨硫黃傳之止

又方

主狐臭以三年釀醋和石灰傳之

千金方

治耳聾以醇醋微火炙附子削令尖塞耳効

又方

治鼻血出不止以醋和胡粉半棗許服

又方

治舌腫以醋和釜底墨厚傳舌上下脫皮更傳須臾即消若洗決出血汁竟知彌佳

又方

蠅蚘尿以醋和粉傅之

又方

治霍亂心腹脹痛煩滿短氣未得吐下飲好若酒三升小老羸者可飲一二升

又方

治身體手足卒腫大醋和蚯蚓屎傅之

又方

治單服硫黃發為癰以醋和豉研如膏傅癰上燥則易之

肘後方

治癰已有膿當壞以苦酒和雀屎傅癰頭上如小豆大即穿

又方

齒痛漱方大醋一升煮拘杞白皮一升取半升含之即差

又方

治面多黥點或似雀卵色者苦酒煮木常以拭面即漸漸除之

經驗後方

治汗不溜瘦却腰脚并耳聾米醋浸荆三稜夏浸四日冬浸六日杵為末醋調下三錢

食醫心鏡

醋主消癰腫散水氣殺邪氣扁鵲云多食醋損入骨能理諸藥毒熱

又方

治蠍螫人以醋磨附子傳之

錢相公篋中方

治百節虫蛇并蟻入耳以苦醋注之起行即出

又方

治蜈蚣蛛蝎毒以醋磨生鐵傳之

北夢鎖言

晨有少年眼中常見一鏡子趙卿詐之曰來晨以魚鱸奉候及期延于闌內從容久飢候

客退方得攀接俄而臺上施一甌芥醋更無他味少年飢甚聞芥醋香輕啜之逡巡再啜遂覺胸中豁然眼花不見卿云君喫魚鱸太多芥醋不快故權誑而愈其疾也

又云

孫光憲家婢抱小兒不覺落炭火上便以醋泥傅之無痕

子母秘錄

治妊娠月未足胎死不出醋煮大豆服三升死兒立便分解如未下再服又云醋二升格

之口灌

丹房鏡源

米醋煮四黃花諸藥丹砂膽礬味蜀本醋酒有數種此米醋也

衍義曰

醋米糟為之乞鄰者是此物然有米醋麥醋棗醋米醋最釀入藥多用穀氣全也故勝糟醋產

婦房中常得醋氣則為佳酸益血也磨雄黃塗蜂窠亦取其收而不散也今人食酸則齒軟謂其水生木水氣弱木氣盛故如是造靴皮須得此而紋皺故知其性收斂不負酸收之說

米 稻





稻米味苦主溫中令人多熱大便堅

陶隱居云道家方

米此則兩物矣云稻米白如霜又江東無此皆通呼粳為稻爾不知其色類復云何也唐本注云稻者糲穀通

名爾雅云稌音渡稻也杭者不糯之稱一曰秬沘勝之曰秬稻秬稻三月種秬稻四月種秬稻即並稻也今陶

為二事深不可解也今按李含光音義云按字書解粳字云稻也解稻字云稻屬也不粘解粳音慈字稻餅也

明稻米作粳蓋糯米耳其細糠白如雪粒大小似杭米曰體性粘滯為異然今通呼杭糯穀為稻所以惑之新

舊注殆是臆說今此稻米即糯米也又檢杭糯二字同音蓋古人當分別二米為殊爾臣禹錫等謹按爾雅云

秬稻釋曰別二名也郭云今沛國呼秬詩周頌云豐年多黍多秬禮記內則云牛宜秬豳風七月云十月穫稻

是一物也說文云沛國謂稻為糯杭秬屬也字林云糯粘稻也杭稻不粘者然杭糯甚相類粘不粘為異耳依

說文稻即糯也江東呼粳乃亂切顏師古刊謬正俗云  
本草所謂稻米者今之粳米耳陶以糯為秫不知稻是  
稷故說之不曉許氏說文解字曰秫稷之粘者稻秫也  
沛國謂稻為稌又急就篇云稻黍稷稷左太冲蜀都賦  
云粳稻漠漠益知稻即粳共粳並出矣然後以稻是有  
芒之穀故于後或通呼粳粳總謂之稻孔子曰食夫稻  
周官有稻人之職漢置稻田使者此並指屬稻粳之一  
色所以後人混粳不知稻本是粳耳陳藏器云糯米性  
微寒姓身與雜肉食之不利子作糜食一斗主消渴久  
食之令人身軟黍米及糯飼小貓犬令脚屈不能行緩  
人筋故也又云稻稷主黃病身作金色煮汁浸之又稻  
穀芒炒令黃細研作末酒服之孟詵云糯米寒使人多  
睡發風動氣不可多食又霍亂後吐逆不止清水研一  
碗飲之即止陳士良云糯米能行榮衛中血久食發心  
悸又癰疽癰瘡中痛不可合酒共食醉難醒解荒菁毒  
蕭炳云糯米擁諸經絡氣使四肢不收發風昏昏主痔

疾駱駝脂作煎餅服之空腹與服勿令病人知日華子  
云糯米涼無毒補中益氣止霍亂服一合以水研服煮  
粥稻稈治黃病通身煮汁服

圖經曰

稻米有杭與糯同糯有糯稻舊不載所出州土  
今有水田處皆能種之杭糯既通為稻而本經

以杭為粳米糯為稻米者謹按爾雅云秣音度稻釋曰  
別二名也郭璞云沛國呼秣詩頌云多黍多秣禮記內  
則云牛宜秣詩云十月穫稻是一物也說文解字云  
沛國謂稻為糯杭秣屬也字林云糯粘稻也杭稻不粘  
者今人呼之者如字林所說也本經稱號者如說文所  
說也前條有陳廩米即杭米以廩軍人者是也入藥最  
多稻稈灰亦主病見劉禹錫傳信方云湖南李從事治  
馬墜撲損用稻稈燒灰用新熱酒未壓者和糟入鹽和  
合淋前灰取汁以淋痛處立差直至背損亦可淋用好  
漕淋灰亦得不必新壓酒也糯米性寒作酒則熱糟乃

溫平亦如大豆與  
豉醬不同之類耳

唐本云

無毒

外臺秘要

治渴方糯米二升淘取泔飲液則定若不渴  
不須一方渴者服當飽研糯米取白汁恣飲

之以差  
為度

梅師方

治霍亂心忤熱心煩渴以糯米水清  
研之冷熟水混取米泔汁任意飲之

孫真人

糯米味甘脾之穀脾  
病宜食益氣止泄

食醫心鏡

糯米飯食之主溫中  
令人多熱利大便

簡要濟衆

治鼻衄不止服藥不應獨聖散糯米  
微炒黃為末每服二錢新汲水調下

靈苑方

治金瘡水毒及竹木簽刺癰疽熱毒等糯米三升

水浸之一日兩度換水輕以手淘轉運去水勿令攪碎  
浸至端午日取出陰乾生絹袋盛掛通風處旋取火許  
炒令焦黑碾為末冷水調如膏藥隨大小裹之瘡口外  
以絹帛包定更不惡動直候瘡愈若金瘡候犯生水磨  
口作膿紅腫漸甚者急以藥膏裹定一二食久其腫處  
已消更不作膿直至瘡合若癰疽毒瘡初發纔覺焮腫  
赤熱急以藥膏貼之明日揭看腫毒一夜便消喉閉及  
咽喉腫痛吐腮並用藥貼項下及腫處乾即換之常令  
濕為妙惟金瘡及水毒不可換恐傷動瘡口

傷寒類要

治天行熱病手腫欲脫者以稻稬灰汁漬之佳

楊氏產乳

療霍亂心煩悶亂渴不止糯米三合以水五升細研和蜜一合研瀝取汁分兩服

博物志

馬食穀足  
重不行


行義曰

稻米今造酒者是此水田米皆謂之稻前既言  
粳米即此稻米乃糯稻無疑溫故可以為酒酒

為陽故多熟入令人大便堅非糯稻孰能與于  
此西域記大竺國土溽熱稻歲四熟亦可驗矣



稷 米





稷米味甘無毒主益氣補不足

陶隱居云稷米亦不識書多云黍與稷相似又

有稌音渡亦不知是何米詩云黍稷稻粱禾麻菽麥此即八穀也俗人莫能證辨如此穀稼尚弗能明而況芝英乎按汜勝之種植書有黍即如前說無稷有稻猶是粳穀梁是秣禾即是粟董仲舒云禾是粟苗麻是胡麻象是大麻菽是大豆大豆有兩種小豆名荅丁合切有三四種麥有大小穰穰即宿麥亦謂種麥如此諸穀之限也菰米一名彫胡可作餅又漢中有一種名象梁粒如粟而皮黑亦可食釀為酒甚消玉又有烏禾生野中如稗步賣切荒年代糧而殺蟲煮以沃地螻蛄皆死稗亦可食凡此之類復有數種耳唐本注云呂氏春秋云飯之美者有陽山之稌高誘曰闕西謂之麋冀州謂之粳廣雅云粳稌也禮記云祭宗廟稷曰明粢楊天子傳云赤鳥之人獻粢百載音在說文云稷王穀長田正也自商以來周弃主之此官名非穀號也又按先

儒以為粟類或言粟之上者爾雅云粱稷也傳云粱或解云黍稷為粱記勝之種植書又不言稷陶云八穀者黍稷稻粱木麻菽麥俗人尚不能辨況芝英乎即有稷未明非粟也本草有稷不載稭稷即稷也今楚人謂之稷闕中謂之糜呼其米為黃米與黍為仙稭故其苗與黍同類陶引詩云稷恐與黍相似斯並得之矣儒家但說其義而不知其實也尋鄭玄注禮王爪云是菰茨謂祖為梨之不臧者周官瘍人主祝藥云祝嘗為注義如附著此尺有所短耳臣禹錫等謹按陳藏器云彫胡是菰蔣草米古今所貴彫胡性冷止渴內則云魚宜菰泉梁按泉梁亦梁之類消玉未聞按糜稭一物性冷塞北最多廣雅云稭也如黍黑色稗有二種一黃白一紫黑其紫黑者芑有毛北人呼為烏禾又云五穀燒作灰熟主惡瘡疥癬蟲癰疽螫毒塗之和松脂雄黃燒灰更良作法如甲煎為之孟詵云稷益諸不足山東多食服丹石人發熟食之熱消也發三十六種冷病氣八穀之中

欽定四庫全書

言部二二  
卷二十六

最為下苗黍乃作酒此乃作飯用之殊逢不與粳子同食令冷病發發即黍釀汁飲之即差日華子云稷米冷治熱壓丹石毒多食發冷氣能解苦乾毒不可與川附子同服

圖經云

稷米今所謂糴米也舊不著所出州土今出粟米處皆能種之書傳皆稱稷為五穀之長五穀

不可過祭故祀其長以配社呂氏春秋云飯之美者有陽山之糴高誘云關西謂之糜冀州謂之緊黍皆一物也廣雅解云如黍黑色稗有二種一黃白一紫黑其紫黑者其芑有毛北人呼為烏禾是也今人不甚珍此惟祀事則用之農家種之以備他穀之不熟則為糧耳

食療

黍之莖穗人家用作提拂以將掃地食苦乾毒煮汁飲之即止又破提拂煮取汁浴之去浮腫

又和小豆煮服之  
最下小便

外臺秘要

治脚氣衝心悶洗脚漬脚湯以麝穰一石內釜中多煮取濃汁去滓內椒目一升更煎十

餘沸漬脚三兩度如冷溫漬洗差

食醫心鏡

益氣力安中補不足利胃宜脾稷赤飯食之良

曹子建

名其寶如細米可以為飯

衍義曰

稷米今謂之稷米先謂米熟又其香可愛故取以供祭祀然發故疾只堪為飯不粘着其味淡



# 腐婢



腐婢味辛平無毒主瘡

音皆

瘡寒熱邪氣洩痢陰不起止

消渴病酒頭痛生漢中即小豆花也七月採陰

乾

陶隱居云花用異實故其類不得同品方家都不用之今自可依其所主以為療也但未解何故有腐婢

之名本經不云是小豆花後醫顯之耳未知審是為否今海邊有小樹狀似梔子莖條多曲氣作腐臭土人呼為腐婢用療瘡有効亦酒漬皮療心腹恐此當是真若爾此條應在木部下品卷中唐本注云腐婢山南相承以為葛花本經云小豆花陶復稱海邊小樹未知孰是然葛花消酒大勝豆花葛根亦能消酒小豆全無此効校量葛豆二花葛為真也今按別本注云小豆花亦有腐氣經云痛酒頭痛即明其療同矣葛根條中見其花并小豆花乾未服方寸匕飲多不如醉唐註證葛花是腐婢非也陶云海邊有小樹土人呼為腐婢其如經稱小

豆花是腐婢二家所說證據並非臣禹錫等謹按藥性論云赤小豆花名腐婢能消酒毒明目散氣滿不能食煮一頓服之又下水氣并治小兒丹毒熱腫

### 圖經云

腐婢小豆花也生漢中今處處有之陶隱居以為海邊有小木狀似梔子氣作臭腐土人呼為

腐婢疑是此蘇恭云山南相承呼為葛花是也今注云小豆花乃有腐氣按本經云主病酒頭痛海邊小木自生瘡及心腹痛葛花不言主酒病注云并小豆花末服方寸匕飲酒不知醉然則三物皆有腐婢名是異類同名耳本經此類甚多也一說赤小豆花亦主酒病

### 外臺秘要

治渴小便便利復非淋小豆藿一把搗取汁頓服

### 食醫心鏡

主瘡癰寒熱邪氣泄痢陰氣不足止渴及病酒頭痛以小豆花于豉中煮五味調和作羹食之



別說云

謹按腐婢今既收在此乃是小豆花設有別物同名自從所說不必多辨外臺小豆治失血尤

殊勝

醬味鹹酸冷利主除熱止煩滿殺百藥熱湯及火毒隱

居云醬多以豆作純麥者少今此當是豆者亦以久  
者彌好又有魚醬肉醬皆呼為醢不入藥用唐本注云  
又有榆仁醬亦辛美利大小便蕪莢醬大美殺三虫雖  
有火臭亦平好也臣禹錫等謹按日華子云醬無毒殺  
一切魚肉菜蔬葷毒  
并治蛇蟲蜂蠆等毒

食療

主火毒殺百虫發小兒無辜小麥醬不如豆又  
榆仁醬亦辛美殺諸虫利大小便心腹惡氣不

宜多食又蕪莢醬功力強于榆仁醬多食落髮  
麋雄兔及鱧魚醬皆不可多食為陳久故也

聖惠方

治飛蛾入耳醬汁灌入耳  
即出又擊銅器于耳傍

千金方

治指掣痛以醬清和  
蜜任多少溫傳之愈

肘後方

湯火燒灼未成  
瘡豆醬汁傳之

楊氏產乳

姪娘不得豆醬合產  
肉食之令兒面黑

衍義曰

醬聖合以謂不得即不食意欲五味  
和五藏悅而受之此亦安樂之一端

陳廩米味鹹酸溫無毒主下氣除煩渴調胃止洩

陶隱居云

此今久入倉陳赤者湯中多用之以作醋勝于新粳米  
也臣禹錫等謹按陳士良云陳倉米平胃口止洩瀉

煖脾去懣氣宜作湯食日華  
子云陳倉米補五藏澁腸胃

陳藏器云

和馬肉食之發痼疾凡熱食即熱冷食即冷假以火氣也體自溫平吳人以粟為良

漢地以粳為善亦猶吳紵鄭縞蓋貴遠賤近之義焉確論其功粟居前也

食療

炊作乾飯食之止痢補中益氣堅筋骨通血脉起陽道又毒腫惡瘡久陳者蒸作餅和酢封腫上立

差卒心痛研取汁服之北人炊之于甕中水浸令酸食之煖五臟六腑之氣

食醫心鏡

除煩熱下氣調胃止泄痢作飯食之


行義曰

陳廩米今經與諸家注說皆不言是杭米為復是粟米然杭粟二米陳者性皆冷頻食之令人

自利與經所說稍戾煎煮亦無膏膩入藥者今人多用新粟米至如春杵頭細糠又復不言新陳杭粟然皆不

及新稻粟二糠陳則氣味已腐敗

罌子粟



罌子粟味甘平無毒主丹石發動不下食和竹瀝煮作

粥食之極美一名象穀一名米囊一名御米花紅白色

似鶻

音

箭頭中有米亦名囊子

今附臣禹錫等謹按陳藏器云罌子粟嵩陽子曰

其花四葉有淺紅暈子也

圖經曰

罌子粟舊不著所出州土今處處有之人家園庭中多時以為飾花有紅白二種微腥氣

其實作瓶子似鶻音箭頭中有米極細種之甚難圃人隔年糞地九月布子涉冬至春始生苗極繁茂

矣不爾種之多不出出亦不茂俟其餅焦黃則採之主行風氣驅逐邪熱治反胃胸中痰滯及丹石發動

亦可合竹瀝作粥大良然性寒利大小腸不宜多食食過度則動膀胱氣耳南唐食醫方療反胃不下飲

食薏粟粥法白薏粟米二合人參末三大錢生山芋五十長細切研三物以水一升二合煮取六合入生薑汁及鹽花少許攪勻分二服不計早晚食之亦不妨別服湯丸

衍義曰

薏子粟其花亦有多葉者其子一薏數千萬粒大小如薏苡子其色白隔年種則佳研子以水

煎仍加蜜為薏粟湯服石人甚宜飲

### 一十一種陳藏器餘

師草食味甘平無毒主不飢輕身出東海洲島似大麥秋熟一名禹餘糧非石之餘糧也

海藥

其實如槌子八月收之彼常食之物主補虛羸之損溫腸胃止嘔逆久食健人一名然穀中國

人未嘗見也

寒食飯主減癥瘕有舊癥及雜瘡並細研傅之飯灰主病後食療

外臺秘要

治蛟龍癥寒食錫二升每服五合一日三服遂吐出蛟龍有兩頭及尾也

茵米味甘寒無毒主利腸胃益氣力久食不飢去熱益人可為飯生水田中苗子似小麥而小四月熟爾雅云守田似燕麥可食一名守氣也

狼尾草子作黍食之令人不飢似茅作穗生澤地廣志

云可作黍爾雅云孟狼尾今人呼為狼茅子蒯草子亦  
堪食如杭米苗似茅

胡豆子味甘無毒主消渴勿與鹽煮食之苗似豆生野  
田間米中往往有之

東廬味甘平無毒益氣輕身久服不飢堅筋骨能步行  
生河西苗似蓬子似葵可為飯魏書曰東廬生焉九月  
十月熟黃志曰東廬之子似葵青色并涼間有之河西

人語貸我東廬償爾田梁廬

疾羊切



麥苗味辛寒無毒主蠱煮取汁細絹漚服之穩與本切即

芒粳也

糟筍中酒味鹹平無毒主噦氣嘔逆小兒乳和少牛乳飲之亦可單服少許磨癰瘍風此糟筍節中水也

社酒噴屋四壁去蚊子內小兒口中令速語此祭祀社餘者酒也

蓬草子作飯食之無異粳米儉年食之也


寒食麥人粥有小毒主咳嗽下熱氣調中和杏仁作之

佳也

千金方

治蛟龍病寒食強錫開皇六年有人正月食芹得之其病發似癩面色青黃服寒食強錫二年

日三吐出蛟龍  
有兩頭可驗



證類本草卷二十六

# 欽定四庫全書

子部

證類本草卷二十七至二十九

詳校官太醫院吏目臣周世泰

編修臣倉聖脈覆勘

總校官編修臣王燕緒

校對官侍詔臣胡士震

謄錄監生臣沈姓

繪圖監生臣鄭曦

欽定四庫全書

證類本草卷二十七

菜部上品總三十種

五種神農本草經

七種名醫別錄

二種唐本先附

二種今附

皆醫家常用有  
効注云今附

證類本草

宋 唐慎微 撰

一十種新補

一種新定

三種陳藏器餘

凡墨蓋子已下並唐慎微續證類

冬葵子

附根葉

苧實

胡荽

子附新補

邪蒿

新補

同蒿

新補

羅勒

新補

石胡荽

新補

蕪菁

即蔓菁也

瓜蒂

花附莖  
續注

白冬瓜

白瓜子

甜瓜

葉附  
新補

胡瓜葉

亦呼黃瓜  
實附新補

越瓜

今附

白芥

子附  
今附

芥

萊服

即蘿蔔  
也唐附

菘

紫花菘  
續註

苦菜

苦蕒  
續注

荏子

葉附

黃蜀葵花

新定

蜀葵

花附  
新補

龍葵

唐附

苦耽

新補

苦苣

新補

苣荬

薺

三種陳藏器餘

蕨

翹搖

甘藍



二十七種神農本草經等

冬葵子



冬葵子味甘寒無毒主五臟六腑寒熱羸瘦五淋利小便療婦人乳難內閉久服堅骨長肌肉輕身延年生少

室山十二月採之

黃芩為之使

葵根味甘寒無毒主惡瘡療淋利小便解蜀椒毒

葉為百菜主其心傷人

陶隱居云以秋種葵覆養經冬至春作子謂之冬葵多入藥用

至滑利能下石春葵子亦滑不堪餘藥用根故是常葵爾葉尤冷利不可多食術家取此葵子微炒令煇音畢炆音咤散著濕地遍踏之朝種暮生遠不過宿又云取羊角馬蹄燒作灰散著於濕地遍踏之即生羅勒俗呼為西王母採食之並人生菜中又有胡荽菜臺白芎邪蒿並不可多食大都服藥通忌生菜爾佛家齋忌食蒿

渠不的知是何菜多言今芸薹僧具臭矣唐本註云羅勒北人謂之蘭香避石勒諱故也又薰渠者婆羅門云阿魏是言此草苗根似白芷取根汁暴之如膠或截根日乾並極臭西國持呪人禁食之常食中用之云去臭氣戎人重此猶俗中貴胡椒已人重負漿音樊等非芸臺也臣禹錫等謹按藥性論云冬葵子沉滑平能治五淋主妳腫能下乳汁根治惡瘡小兒吞錢不出煮飲之即出神妙若患天行病後食之頗喪明又葉燒灰及槁乾葉末治金瘡煮汁能滑小腸單煮汁主治時行黃病孟詵云葵冷主痔瘡生身面上汁黃者可取根作灰和猪脂塗之其性冷若熟食之令人熱悶甚動風氣久服丹石人時喫一頓佳也冬月葵薹汁服丹石人發動舌乾欬嗽每食後飲一盞便卧少時其子患瘡者吞一粒便作頭女人產時可煮頓服之佳若生時困悶以子一合水二升煮取半斤去滓頓服之少時便產日華子云冬葵久服堅筋骨秋葵即是種早者俗呼為葵菜

圖經曰

冬葵子生少室山今處處有之其子是秋種葵覆養經冬至春作子者謂之冬葵子古方入藥

用最多苗葉作菜茹更甘美大抵性滑利能宣導積滯服丹石人尤相宜煮汁單飲亦佳仍利小腸孕婦臨產煮葉食之則胎滑易產累乾葉及燒灰同作末主金瘡根主惡瘡小兒吞錢煮汁飲之立出凡葵有數種有蜀葵爾雅所謂蒹古田切戎葵者是也郭璞云似葵華如槿華戎蜀蓋其所自出因以名之花有五色白者主痰癰及邪熱陰乾末服之午日取花按手亦去瘡黃者主癰癰乾末水調塗之立愈小花者名錦葵功用更強黃色葵子主淋澀又令婦人易產又有終葵大莖小葉紫黃是也一名豕露俗呼曰胡燕脂子可婦人塗面及作口脂又有莨葵似葵而葉小狀若藜有毛汙而啖之甚滑爾雅所謂蒹葵是也亦名大葵葉主淋澀熱結皆有功效故并載之

唐本注

此即常食者葵根也左傳能衛其足者是也據此有數種多不入藥用

食療

主患腫未得頭破者三日後取葵子一百粒吞之當日瘡頭開又凡有難產若生未得者取一合持

破以水二升煮取一升已下只可半升去滓頓服之則小便與兒便出切須在意勿上廁昔有人如此立撲兒入廁中又細刺以水煎服一盞食之能滑小腸女人產時煮一頓食令兒易生天行病後食一頓便失明吞錢食不消化發宿疾又霜葵生食動五種留飲黃葵尤忌

聖惠方

小兒發斑散惡毒氣用生葵菜葉絞取汁少少與服之

外臺秘要

天行斑瘡須臾遍身皆戴白漿此惡毒氣水徵四年此瘡自西域東流于海內但煮葵菜

葉以蒜齏啖之則止

又方

治消渴利葵根五大斤切以水五升煮取二升宿不食平旦一服三升

又方

治口吻瘡經平葵根燒灰傳之

千金方

小兒死腹中葵子末酒服方寸匕若口禁不開格口灌之藥下即活肘後方同

又方

治雄娠卒下血葵子一升水五升煮取二升分三服差

又方

雄娠患淋葵子一升水三升煮取二分爲二服無葵子用葵根十把

肘後方

大便不通十日至一月葵子三升水四升煮取一升去滓服不差更作

又方

治卒關格大小便不通支滿欲死葵子二升水四升煮取一升頓服內猪脂如雞子一丸則彌佳

經驗後方

治一切癰腫無頭以葵菜子一粒新汲水吞下須臾即破如要兩處破服兩粒要破處逐

佳如  
之驗

孫真人食忌

吐水葵充脾氣又霜葵多食  
害人矣

必効方

治諸瘰癧先以泔清溫洗以綿拭水取葵菜微火  
煖貼之瘡引膿不過二三百葉膿盡即肉生忌

諸雜魚蒜

房室等

子母秘錄

小兒蓐瘡燒  
葵根末傅之

產寶

治妬乳及癰葵莖及子  
為末酒服方寸匕愈

產書

治倒生手足冷口噤以葵子炒  
令黃搗末酒服二錢匕則順

衍義曰

冬葵子葵菜子也四方皆有苗性滑利不益人  
患癰毒熱內攻未出膿者水吞三五枚遂作

數浪

出



紅 苋



# 實 莧

金匱要略卷之二十七

卷二十七



紫 菀



莧實味甘寒大寒無毒主青盲白翳明目除邪利大小便去寒熱殺蛭蟲久服益氣力不飢輕身一名馬莧一

名莫實細莧亦同生淮陽川澤及田中葉如藍十一月

採

陶隱居云李云即莧菜也今馬莧別一種布地生實至微細俗呼為馬齒莧亦可食小酸恐非今莧實其

莧實當是白莧所以云細莧亦同葉如藍也細莧即是  
據莧食之乃勝而並冷利被霜乃熟故云十一月採又  
有赤莧莖純紫能療赤下而不勝食藥方用莧菜甚稀  
斷穀方中時用之唐本註云赤莧一名藟音匱今莧實  
一名莫實疑莫字誤矣赤莧味辛寒無毒主赤痢又主  
射工沙惡此是赤葉莧也馬莧一名馬齒草味辛溫無  
毒主諸腫瘡疣目搗指之飲汁主反胃諸淋金瘡血流  
破血癥癖小兒尤良用汁洗緊辱面炮馬汁射工毒塗

之差今案陳藏器本草云忌與鼈同食今以鼈細判和  
莧於近水濕處置之則變為生鼈紫莧殺蟲毒臣禹錫  
等謹案蜀本注云國經說有赤莧白莧人莧馬莧紫莧  
五色莧凡六種惟人莧白莧實入藥用按人莧小白莧  
大馬莧如馬齒赤莧味辛俱別有功紫及五色二莧不  
入藥孟詵云莧補氣除熱其子明目九月霜後採之葉  
亦動氣令人煩悶冷中損腹目  
華子云莧菜通九竅子益精

圖經曰

莧實生淮陽川澤及田中今處處有之即人莧  
也經云細莧亦同葉如藍是也謹按莧有六種

有人莧赤莧白莧紫莧馬莧五色莧馬莧即馬齒莧也  
自見後條大葉者人白二莧俱大寒亦謂之糠莧亦謂  
之胡莧亦謂之細莧其實一也但人莧小而白莧大耳  
其子霜後方熟實細而黑主腎目黑花肝風客熱等紫  
莧莖葉通紫吳人用染菜瓜者諸莧中此無毒不寒魚  
主氣痢赤莧亦謂之花莧莖葉深赤爾惟所謂資赤莧

是也根莖亦可糟藏食之甚美然性微寒故主血痢五色莧今亦稀有細莧俗謂之野莧猪好食之又名猪莧集驗方治衆蛇螫人取紫莧搗絞汁飲一升滓以水和塗瘡上又射王毒中人令寒熱發瘡偏在一處有異於常者取赤莧合莖葉搗絞汁飲一升日再差

陳藏器云

陶以馬蒿與莧同類蕪亦與莧條出馬蒿功用按此二物厥類既殊合從別忌

食療

葉食動氣令人煩悶冷中損腹不可與蠶肉同食生蠶癭又取蠶甲如豆片大者以莧菜封裏之置

於土坑內上以土蓋之一宿盡變成蠶兒也又五月五日採莧菜和馬蒿莧為末等分調與妊娠服之易產

衍義曰

莧實大燥亦稀蒿人謂之人莧人多食之莖白而葉紅黃二色者謂之紅人莧可淹菜用

胡荽味辛溫

微寒

微毒消穀治五藏補不足利人小腸

通小腹氣拔四肢熱止頭痛療沙癬豌豆瘡不出作酒  
飲之立出通心竅久食令人多忘發腋臭脚氣根發痼  
疾

子主小兒禿瘡油煎傳之亦主蠱五痔及食肉中毒下  
血黃冷取汁服並州人呼為香菱人藥炒用

陳藏器

胡妥防風注蘊云防風子似胡妥味辛溫消  
穀久食令人多忘發腋臭根發痼疾子主小

兒禿瘡油煎傳之亦止蠱毒五野雞病及食肉中毒  
下血黃令子煩服汁石勒諱胡并汾人呼為香菱也

食療

平利五臟補筋脉主消穀能食若食多則令人多  
忘又食著諸毒食吐下血不止頓瘡黃者取呼胡

婁子一升煮食腹破取汁停冷服半升一日一夜二服即止又狐臭蠶齒病人不可食病更加久冷人食之脚弱患氣彌不得食又不得與邪蒿同食食之令人汁臭難產不得久食此是薰菜捐人精神秋冬擣子醋煮熨陽頭出甚効可和生菜食治腸風熱餅裹食甚良

### 外臺秘要

主齒疼胡菜子五升應是胡荽子也以水五升煮取一升含之

### 經驗後方

治小兒胗豆欲令速出宜用胡荽二三兩切以酒二大盞煎令沸沃胡荽便以物合定不令洩

氣候冷去滓微微從項已下噴一身令遍除面下噴

### 孫真人

食之令人多忘發癰疾胡臭蠶齒口氣臭金瘡

### 兵部手集

治孩子赤丹不止以汁傳之差譚氏方同



必効方

治蠱毒神驗以根絞汁半升和酒服之立下又治熱氣結滯經年數發以半斤五月五日採陰乾水七升

煮取一升半去滓分服未差更服春

夏葉秋冬莖根並用亦可預備之

子母秘錄

治肚帶出切一升燒以煙薰肚即入

邪蒿味辛溫平無毒似青蒿細軟主胸膈中臭爛惡邪氣利腸胃通血脈續不足氣生食微通風氣作羹食良不與胡荽同食令人汗臭氣

食醫心鏡

治五藏邪氣厭穀者治脾胃腸癖大渴熱中暴疾惡瘡以煮令熟和醬醋食之

同蒿平主安心氣養脾胃消水飲又動風氣熏人

心令人氣滿不可多食

羅勒味辛溫微毒調中消食去惡氣消水氣宜生  
食又療齒根爛瘡為灰用甚良不可過多食壅關節  
澀榮衛令血脈不行又動風發脚氣患吮取汁服半  
合定冬月用乾者煮之子主目翳及物入目三五顆  
致目中少頃當濕脹與物俱出又療風赤眇淚根主  
小兒黃爛瘡燒灰傅之佳北人呼為蘭香為石勒

諱也

此有三種一種堪作生菜一種葉  
大二十步內聞香一種似紫蘇葉

陶隱居

術家取羊角馬蹄燒作灰撒於濕地遍踏之即生羅勒俗呼為西王母菜食之益人

外臺秘要

治面上滅癩方木蘭香一斤以三歲米錯浸令沒百日出暴乾為末以傅之用醋漿

漬百日出日乾未服方寸匕

石胡荽寒無毒通鼻氣利九竅吐風痰不任食亦

去腎熟按內鼻中腎目落俗名鵝不食草

已上五種新補

見孟詵陳藏器蕭炳陳士良日華子

欽定四庫全書

卷二十七

青 蕪



蕪菁及蘆菔味苦溫無毒主利五藏輕身益氣可長食

之蕪菁子主明目

陶隱居云蘆菔是今溫菰其根可食葉不中噉蕪菁根乃細於溫菰而葉

似菰好食西川惟種此而其子與溫菰甚相似小細爾俗方無用服食家亦煉餌之而不云蘆菔子恐不用也俗人蒸其根及作菹皆好但小薰臭爾又有葶根細而過平不宜服之唐本注云蕪菁北人又名蔓菁根葉及子乃是菰類與蘆菔全別至於體用亦殊今言蕪菁子似蘆菔或謂蘆菔葉不堪食魚言小薰體是江表不產二物斟酌注釋故喪其真爾其蔓菁子療黃疸利小便水煮二升取濃汁服主癰瘕積聚少飲汁主霍亂心腹脹未服主目暗其蘆菔別顯後條今按陳藏器本草云蕪菁主急黃黃疸及內黃腹結不通搗為末水絞汁服當得吮鼻中出黃水及下痢仙經云長服可斷殺長生和油傅蜘蛛咬恐毒入肉亦搗為末酒服蔓菁園中無

蜘蛛是其相畏也為油入而膏令人去黑點今并汾河  
朔間燒食其根呼為蕪根猶是蕪菁之號蕪菁南北之  
通稱也塞北種者名九英蔓菁根大并將為軍糧菽菜  
南土所種多是也臣禹錫等謹按爾雅云須蓂蕪釋曰  
詩谷風云采蓂采菲毛云蓂須也先儒即以須蓂蕪當  
之條炎云須一名風蕪郭注云蓂蕪似羊蹄葉細味酢  
可食禮坊記注云蓂蔓菁也陳水之間謂之蓂陸璣云  
蓂蕪菁幽州人謂之芥方言云蕪蕪蕪菁也陳楚謂之  
蕪齊魯謂之蕪開西謂之蕪菁趙魏之鄙謂之大芥蕪  
菁音同然則蓂也須也蕪菁也蔓菁也蓂蕪也蕪也芥  
也七者一物也孟詵云蔓菁消食下氣其子九蒸九暴  
持為粉服之長生壓油塗頭能變髮又研子入面脂  
極去皴又搗子水和服治熱黃結實不通少頃當瀉一  
切惡物沙石草髮並出又利小便又女子妬乳腫取其  
根生搗後和鹽醋漿水煮取汁洗之五六度差又搗和  
雞子白封之亦妙蕭炳云蔓菁子別入九藥用令人肥

健尤宜婦人劉禹錫嘉話錄云諸葛亮所止今兵士獨種蔓菁者取其纔出甲可生喫一也葉舒可煮食二也久居則隨以滋長三也棄不令惜四也迴則易尋而採五也冬有根可斷而食六也比諸蔬屬其利不亦博矣三蜀之人今呼蔓菁為諸葛菜江陵亦然日華子云蔓菁根短葉大連地上生潤葉紅色者是蔓菁

### 圖經曰

蕪菁及蘆菔舊不著所出州上今南北皆通有之蕪菁即蔓菁也蘆菔即下萊菔音菑今俗呼

蘿菔是也此二菜北土種之尤多蕪菁四時常有春食苗夏食心亦謂之臺子秋食莖冬實根河朔尤多種亦可以備飢歲菜中之最有益者惟此耳常食之通中並氣令人肥健嘉話錄云諸葛亮所止令兵士獨種蔓菁者取其纔出甲可生喫一也葉舒可煮食二也久居則隨以滋長三也棄不令惜四也回即易尋而採之五也冬有根可斷食六也比諸蔬屬其利不亦博乎劉禹錫曰信矣三蜀江陵之人今呼蔓菁為諸葛菜是也其實



夏秋熱時搽之仙方亦單服用水煮三過令苦味盡果  
乾搗篩水服二錢匕日三久增服可以辟穀又治發黃  
下小腸藥用之又主青盲崔元亮海上方云但瞳子不  
壞者瘡十得九愈蔓菁子六升一物蒸之看氣遍合甑  
下以釜中熱湯淋之乃暴令乾還淋如是三遍即取杵  
篩為末食上清酒服二寸匕日再塗而膏亦有用者又  
療乳癰痛寒熱者取蔓菁根並葉淨擇去土不用水洗  
以鹽搗傳乳上熱即換不過三五易之即差冬月無葉  
但空用根亦可切須避風耳南人取北種種之初年相  
類至二三載則變為菰矣菰蕒南用亦同然力猛更出  
其右斷下方亦用其根燒熟入藥尤能製麴毒昔有婆  
羅門僧東來見食麥麴者云此大熱何以食之又見食  
中有蘆蕒云賴有此以解其性自此相傳食麴必啖蘆  
蕒凡人飲食過度飽宜生嚼之佳子研水服吐風涎甚  
效此有大小二種大者肉堅宜蒸食小者白而脆宜生  
啖爾雅所謂葵蘆肥郭璞云紫花菰也俗呼溫菰似蕪

著大根一名莢俗呼雹震然則紫花菰溫菰皆南人所呼也吳人呼楚菰廣南人呼秦菰河朔蘆菰極有大者其說舊矣而江南有國時有得安州洪州信陽者甚大重至五六斤或近一秤亦一時種蒔之力也又今醫以治瘡渴其方出了子蘿蔔三枚淨洗薄切暴乾一味搗羅為散每服二錢煎猪肉湯澄清調下食後臨卧日三服漸增至三錢差

### 食療

溫下氣治黃疸利小便根主消渴治熱毒氣腫食令人氣脹滿

### 聖惠方

治風癰入腹身體強舌乾躁硬用蔓菁子三兩為末每服溫酒下一錢七

### 外臺秘要

治心腹脹蔓菁子一大合揀淨搗熟研水一升更和研瘕取汁可得一盞頻服之少頃自

得轉利或亦自吐腹中自寬或得汗愈

又方

陰黃汗染衣涕唾黃取蔓菁子搗末平旦以井花水服一匙日再加至兩匙以知為度每夜小便重

浸少許帛子各書記日色漸退白則差不過服五升已來

又方

輕身益氣明目燕薺子一升水九升煮令汁盡日乾如此三度搗末水服方寸七日三

又方

治瘰癧着手足肩背累累如米起色白刮之汁出復發熱燕薺子熟搗帛裹傅之爛止

千金方

治頭禿燕薺子味酢和傅之日三

又方

治血點面斑取子爛研入常用面脂中良

又方

常服明目洞視肥腸燕薺子三升以苦酒三升煮令熟日乾末下篩以井花水服方寸匕加至三七

日三無

所忌

肘後方

治豌豆瘡蔓菁根搗汁挑  
瘡破傳在上三食頃根出

又方

犬咬人重發治  
之服蔓菁汁佳

葛氏方

卒腫毒起急痛蕪菁根大者削去上皮熟搗苦  
酒和如泥煮三沸急攪之出傳腫帛裹上日再

易三

經驗後方

治虛勞眼暗揉三月蔓菁花陰乾為末以井  
花水每空心調下二錢匕久服長生可夜讀

書

孫真人食忌

治黃疸皮膚暗如金色小便赤生  
蔓菁子未熟水調下方寸匕日三

又方

主一切熱腫毒取生蔓菁根一握  
鹽花入少許和搗傳腫上日三易

集療

男子陰腫如斗大核痛人所不能治者蕪菁根搗傳之

兵部手集

治妳癰疼痛寒熱傳救十餘人方蔓菁根葉淨擇去土不用洗以鹽搗傳乳上熱即換不

過二五度冬無葉即用根切須避風

傷寒類要

神仙教子法立春後有庚子日溫蕪菁汁合家大小並服不限多少可理時疾

又方

急黃服蔓菁子油一盞頓服之臨時無油則蔓菁子杵汁水和之服亦得候顏色黃或精神急用之

効有

子母秘錄

治姙娠小便不利蕪菁子末水服方寸匕日二揚氏產乳同

抱朴子

大醋煮蕪菁子令熟日乾為末井花水服方寸匕日三盡一斗能夜視有所見

荆楚歲時記


採經霜者乾之詩云  
我有旨蓄可以禦冬

衍義曰

蕪菁蘆菹二菜也蘆菹即蘿蔔也蕪菁今世俗謂之蔓菁夏則枯當此之時蔬園中復種之謂

之雞毛菜食心正在春時諸菜之中有並無損於世有  
功採擷之餘收子為油根過食動氣河東太原所出極  
大他處不及也又出吐谷渾後於菜菹條中爾雅釋但  
名蘿菹今謂之蘿蔔是也則蕪菁條中不合更言及蘆  
菹二字顯見重  
復從爾雅為正

帶瓜



瓜蒂味苦寒有毒主大水身面四肢浮腫下水殺蠱毒  
欬逆上氣及食諸果病在胃腹中皆吐下之去鼻中息

肉療黃疸花主心痛欬逆生蒿高平澤七月七日採陰

乾

陶隱居云瓜蒂多用早青蒂此云七月採便是甜瓜  
蒂也人亦有用熟瓜蒂者取吐乃無異此止於論其

蒂所主爾今瓜例皆冷利早青者尤甚熟瓜乃有數種  
除瓢食之无害人若覺多即入水自清便即消永嘉有  
寒瓜甚大今每取藏經年食之亦有再熟瓜又有越瓜  
人作瓠食之亦冷並非藥用爾今按甜瓜有青白二種  
入藥當用青瓜蒂前條白瓜子唐注云甘瓜子主腹內  
結聚破潰膿血最為腸胃脾內瘕要藥正是此甜瓜子  
之功前條便以白瓜子為甘瓜子非也臣禹錫等謹按  
藥性論云瓜蒂使蠱主鼻中息內艱鼻和小豆丁香吹



鼻治黃目華子云無毒  
治腦塞熱艱眼昏吐痰

# 圖經曰

瓜蒂即甜瓜蒂也生蒿高平澤今處處有之亦  
國國所將舊說瓜有青白二種入藥當用青瓜

蒂七月採陰乾方書所用多入吹鼻及吐膈散中莖亦  
主鼻中息肉艱鼻等亦主無髮搗汁塗之即生花主心  
痛欬逆肉主煩渴除熱多食則動痼疾又有越瓜色正  
白生越中胡瓜黃色亦謂之黃瓜別無功用食之亦不  
益人故  
可略之

# 雷公

凡使勿用白瓜蒂要採取青綠色瓜待瓜氣足  
其瓜蒂自然落在蔓莖上採得未用時使擲擲

葉裹於束牆有風處掛令吹乾用瓜子凡使勿用瓜子  
實恐誤藥得後便於日中曝令內外乾便將用其尾篩  
篩過成粉末了用其藥不出油其効力短若要出油  
生杵作膏用二重紙裹用重物覆壓之取無油用

食療

瓜蒂主身面四肢浮腫殺蟲去鼻中瘰肉陰黃疸及暴急黃取瓜蒂丁香各七枚小豆七粒為末

吹黑豆許於鼻中少時黃水出差其子熟補中宜人瓜有毒止渴益氣除煩熱利小便通三焦壅塞氣多食令人陰下濕痒生瘡動宿冷病癰癰人不可食之若食之飽腹入水自消多食令人假假虛弱脚手無力葉生持汁生髮又補中打損折傷末酒服去瘀血治小兒疳龍魚河圖云瓜有兩鼻者殺人沉水者殺人食多腹脹可食鹽花

成水

聖惠方

治時氣三日内忽覺心滿堅硬脚手心熱變黃不治殺人以瓜蒂七枚杵末如大豆許吹兩鼻

中令黃水出殘末水調服之得吐黃水一二升差

又方

治鼻中瘰肉陳瓜蒂一分為末羊脂和少許傅瘰肉上日三



又方

治黃疸目黃不除瓜丁散瓜丁細末如大豆許內鼻中令病人深吸取鼻中黃水出

衍義曰

瓜蒂此即甜瓜蒂也去瓜皮用蒂約半寸許暴乾不限多少為細末量疾每用一二錢七賦

粉一錢七以水半合同調勻灌之治風涎暴作氣塞倒臥服之良久涎自出或覺有涎用諸藥行化不下但如此服涎即出或服藥良久涎未出答沙糖一塊下咽即涎出此物甚不損人全勝石碌硃砂輩

白冬瓜味甘微寒主除小腹水脹利小便止渴

陶隱居云被霜

後合取置經年破取核水洗燥乃搗取仁用之冬瓜性冷利解毒消渴止煩悶直搗絞汁服之今注此物經霜後皮上白如粉塗故云白冬瓜也前條即冬瓜子之功此乃說皮肉之效爾陶注為子仁非也臣禹錫等謹按藥性論云冬瓜練亦可單用味甘平汁止煩躁熱練壓丹石毒止熱渴利小腸能除消渴差五淋孟詵云冬瓜

並氣耐老除胃心滿去頭面熱熱者食之佳冷者食之  
瘦人日華子云冬爪冷無毒除煩治胃腸熱消熱毒癰  
腫切摩痒子甚良葉殺蜂可修事蜂兒并搗腫毒又蜂  
丁藤燒灰可出繭點點洗黑點并洗瘡疥濕穰亦可漱  
練白

### 食療

並氣能老除心胃滿取瓜子七升下同白瓜條  
壓丹石又取瓜一顆和栢葉與猪肉食之一冬  
更不要與諸物食自然不飢長三四倍矣又煮食之練  
五藏為下氣故也欲得瘦輕健者則可長食之若要肥  
則勿食並說說肺熱有渴取濮瓜去  
皮每食後嚼喫三二兩五七度良

### 十金方

治小兒渴利單方  
搗冬爪汁飲之

### 肘後方

發背欲死方取冬瓜截去頭合瘡上瓜當爛截  
去更合之瓜未盡瘡已斂小矣即用膏養之

小品方

食魚中毒冬  
瓜汁最驗

孫真人

九月勿食被霜瓜食  
之令人成反胃病

古今錄驗

治傷寒後痢日久津液枯竭四肢浮腫口乾  
冬瓜一枚黃上泥厚裏五寸煨令爛熟去上

絞汁  
服之

兵部手集

治水病初得危急冬不  
限多少有喫神効無比

子毋秘錄

小兒生一月至五箇月乍  
寒乍熱炮冬瓜絞汁服

楊氏產乳

療渴不止燒冬瓜絞取  
汁細細飲之盡更作

丹房鏡源

冬瓜蔓灰煮汞  
及丹砂淬銅錫

衍義

曰

白冬瓜一二斗許大冬月收為菜壓去汁蜜煎

代果患發背及一切癰疽削一大塊置瘡上熱

則易之分散  
熱毒氣甚良





白瓜子



白瓜子味甘平寒無毒主令人悅澤好顏色益氣不飢

久服輕身耐老主除煩滿不樂久服寒中可作面脂令

面悅澤一名水芝一名白瓜

側紋切

子生萑萑平澤冬瓜

仁也八月採

唐本注云經云冬瓜仁也八月採芝已下為冬瓜仁既非謂冬瓜別名據經及下條

瓜蒂並生萑萑平澤此即一物但以甘字似白字後人誤以為白也若其不是甘瓜何因一名白瓜此即甘瓜

無疑且朱書論白瓜之效陸書說冬瓜之功功異條同陶為深誤按廣雅一名地芝地芝與甘瓜全別墨書宜

附冬瓜料下瓜蒂與甘瓜其條別錄云甘瓜子主腹內結聚破噴膿血最為腸胃脾內壅要藥本草以為冬瓜

但用蒂不云子也今腸癰湯內用之俗人或用冬瓜子也又按諸本草云瓜子或云甘瓜子今此本誤作白字

當改從甘也。今按此即冬瓜子也。唐注稱是甘瓜子。謂甘字似白字。後人誤以為白。此之所言何孟浪之甚耶。旦本經云主令人悅澤。別錄云可作面脂。今人悅澤而又面脂方中多用冬瓜仁。不見用甘瓜子。按此即是冬瓜子。明矣。故陶於後條主中云取核水洗燥。乃播取仁用之。但此物與甘瓜全別。其甘瓜有青白二種子。色皆黃。主療與白瓜子之說因斯而得。况陶隱居以別錄白其中子。白白瓜子之說因斯而得。况陶隱居以別錄白冬瓜附於白瓜子之下。白瓜子更不加注足明一物而不能顯別。爾別錄瓜字側絞切。今以讀作瓜字。唐注謬誤。都不可憑。臣禹錫等謹按蜀本注。燕云是甘瓜子也。國經云別有胡瓜。黃赤無味。今據此兩說。俱不可憑矣。本經云即冬瓜仁也。燕注蓋以冬瓜色青。乃云是甘瓜者。且甘瓜自有青白二種。只合云白甘瓜也。今據本經云白瓜子。即冬瓜仁無疑也。按冬瓜雖色青。而其中子甚白。謂如白瓜子者。猶如蠶部有白龍骨。馬人但看骨

之白而不知龍之色矣。若以甘瓜子為之，則甘瓜青白二種具子並黃色，而千金面藥方只用冬瓜仁。信蘇注為妄。圖經難憑矣。孟詵云：取冬瓜仁七升，以絹袋盛之，投三沸湯中，須臾出，暴乾如此三度止。又與清苦酒漬經一宿，濕乾為末，日服之，方寸匕。今人肥悅，明目延年不老。又取子三五升，退去皮，搗為丸，空腹服三十九。今人白淨如玉，日華子云：冬瓜仁去皮膚，風利黑點，潤肌膚。

圖經曰

白瓜子即冬瓜仁也。生嵩高平澤，今處處有之。皆園圃所蒔，其實生苗蔓下大者如斗而更長。

皮厚而有毛，初生正青，綠經霜則白。如塗粉，其中肉及子亦白。故謂之白瓜。人家多藏蓄，彌年作菜果入藥，須霜後合取，置之經年，破出核，洗燥，乃搗取仁用之，亦堪單作服餅。又有未作湯飲，又作面藥，並令人顏色光澤。宗慤荆楚歲時記云：七月採瓜，屏以為面脂，辟邪也。蘇亦堪作涼豆，其肉主三消渴疾，解積熱，利大小腸，壓丹。

石毒廣雅一名地芰是也皮可作  
丸服亦入面脂中切用與上等

### 外臺秘要

補肝散治男子五勞七傷明目白瓜子七升絹袋盛絞沸湯中三遍訖以酢五升漬

一宿暴乾搗末篩酒服  
方寸七日三久服差

### 孫真人

治多年損傷不差  
瓜子末溫酒服之

### 衍義曰

白瓜子實冬瓜仁  
也服食中亦稀用

甜瓜寒有毒止渴除煩熱多食令人陰下濕痒生瘡動

宿冷病發虛實破腹又令人假假弱脚手無力少食即

止渴利小便通三焦間擁塞氣薰主口鼻瘡

臣禹錫等  
謹按日華

子云  
無毒

葉治人無髮擣汁塗之即生

圖經

文具瓜  
華條下

陳藏器序云

甘瓜子止月經太過  
為末去油水調服

千金方

治口臭杵乾甜瓜子作末蜜和丸每旦  
洗淨漱含一九如桑核大亦用傳齒

孫真人食忌

患脚氣人勿食甜瓜其患永不除又五月  
甜瓜沉水者殺人又多食發黃疽病動冷

疾令人虛羸解藥  
力兩帶者殺人

食醫心鏡

治熱去煩渴甜瓜去皮食  
後喫之黃皮作羹亦佳

衍義曰

甜瓜者月服之永不中暑氣多食未有不下利者貧人多食至深秋作痢為難治為其消損陽

氣故也亦可以如白甜瓜煎漬收

胡瓜葉味苦平小毒主小兒閃癖一歲服一葉已上斟

酌與之生按絞汁服得吐下根擣傳胡刺毒腫其實味

甘寒有毒不可多食動寒熱多瘧病積瘀熱發疰氣令

人虛熱上逆少氣發百病及瘡疥損陰血脈氣發脚氣

天行後不可食小兒切忌滑中生疳蟲不與醋同食北

人亦呼為黃瓜為石勒諱因而不改

已上二種新補見千金方及孟詵陳

藏器曰

華子

圖經

文具瓜  
蒂條下

千金髓

水病肚脹至四肢腫胡瓜一箇破作兩片不出子以醋煮一丰水煮一丰俱爛空心頻服

須臾  
下水

孫真人

主蛇咬取胡瓜  
傳之數易良

越瓜味甘寒利腸胃止煩渴不可多食動氣發諸瘡令

人虛弱不能行不益小兒天行病後不可食又不得與

牛乳酪及鮓同食及空心食令人心痛

今附臣禹錫等  
謹按陳藏器云



越瓜仁者色正白越人常果食之利小便云煩熱解酒毒宜洩熱氣小者藏之為灰傳口吻瘡及陰莖熱瘡

# 圖經

文具瓜蒂條下

## 食瘡

小兒夏月不可與食又發諸瘡令人虛弱冷中常令人臍下為癥痛不止又天行病後不可食

## 食醫心鏡

越瓜鮮久食益腸胃和飯作鮮并葢菹之並得

白芥味辛溫無毒主冷氣色白甚辛美從西戎來子主

射工及疰氣上氣發汗胃膈痰冷面黃生河東

今附臣禹錫等謹按

陳藏器云白芥生太原如芥而葉白為茹食之甚美日華子云白芥能安五藏功用與芥頗同子燒及服可辟

邪

圖經

文具芥  
條下

陳藏器云

主冷氣子主上氣發汗胃腸痰  
冷面目黃赤亦入鎖宅用之

外臺秘要

治氣小芥子一升搗碎以絹袋盛好酒  
二升浸七日空心溫服三合日二服

千金方

白反胃吐食上氣小芥子  
用研為末酒服方寸匕

又方

三種射工即水弩子以芥子杵今  
熟苦酒和厚傅上半日痛即便止


又方

治遊腫諸癰以芥子末猪  
膽和如泥傅上日三易之

肘後方

治中風卒不得語以苦酒煮芥子傅  
頸三周以帛苞之一日一夕乃差

蜀州芥



芥味辛溫無毒歸臯主除腎邪氣利九竅明耳目安中

久食溫中

陶隱居云似菘而有毛味辣好作菹亦生食其子可藏冬瓜又有菰音郎以作菹甚辣快

唐本注云此芥有三種葉大麤者葉堪食子入藥用雙惡注至良葉小子細者葉不堪食其子但堪為齏爾又有白芥子麤大白色如白梁米甚辛美從戎中來別錄云子主射工及疰氣發無常處丸服之或擣為末醋和塗之隨手有驗臣禹錫等謹按蜀本圖經云一種葉大子白且麤名曰胡芥敢之及藥用最佳而人間未多用之孟詵云芥煮食之亦動氣生食發丹石不可多食日華子云除邪氣止欬嗽止氣冷氣疾子治風毒腫及麻痺酣研傳之撲損瘀血腰痛腎冷和生薑研微暖塗貼心痛酒醋服之

圖經曰

芥舊不著所出州上今處處有之似菘而有毛味極辛辣此所謂青芥也芥之種亦多有紫芥

莖葉純紫多作莖者食之最美有白芥子麓大色白如  
梁米此入藥者最佳舊云從西戎者又云生河東今近  
處亦有其餘南芥胡芥花芥石芥之類皆菜茹之美者  
非藥品所須不獲悉錄大抵南土多芥亦如菽類相傳  
嶺南無蕪菁有人攜種至彼種之皆變作芥言地氣暖  
使然耳續傳信方主腹冷夜起以白芥子一升炒熟物  
令焦細研以湯浸蒸餅丸如  
赤小豆薑湯吞七丸甚効

### 食療

主欬逆下氣明目去頭面風大葉者良煮食之  
動氣猶勝諸菜生食發丹石其子微熱研之作

醬香美有年氣能通利五藏其葉  
不可多食又細葉有毛者殺人

### 聖惠方

治走注風毒疼痛用小芥  
子末和雞子白調傅之

### 又方

婦人中風口噤舌本縮用芥子一升細研  
以醋三升煎取一升用傅額頰下立効

欽定四庫全書

卷二十七

外臺秘要

治聾芥子搗碎以人乳調和綿裏塞耳差

孫真人

芥菜合兔肉食之成惡瘡

廣濟方

治瘰有五種不過此方取芥子搗碎以水及蜜和渾傳喉上下乾易之

子母秘錄

小兒緊唇瘡馬芥子汁令先搗瘡血出傳之日七遍馬芥即刺芥也

左傳

季氏與郈氏鬪雞季氏金其距郈氏芥具羽注云施芥於羽今辛

衍義曰

芥似蕪菁葉上紋皺起色尤深綠為異子與苗皆辛子尤甚多食動風一品紫芥與此無異紫

色可愛人多食之然亦動風又白芥子比諸芥猶大其色白入藥用

服菜



萊菔

音旬

根味辛甘溫無毒散服及炮煮服食大下氣消

殺去痰癖肥健人生持汁服主消渴試大有驗

唐本注云陶謂

溫菰是也其嫩葉為生菜食之大葉熟散消食和中根效在蕪菁之右今注俗呼為蘿蔔唐本先附臣禹錫等

謹按蜀本同經云名蘆菔生江北秦晉最多爾雅云樊蘆能輝曰紫花菰也俗呼蘆菰似蕪菁大根一名樊俗

呼電樊一名蘆菔今謂之蘿蔔是也蕭炳云蘿蔔根消食利閏節理顏色練五藏惡氣制麵每凡人飲食過度

生嚼燕之便消研如泥制麵作餅佳飽食亦不發熱亦主肺嗽吐血酥煎食下氣孟詵云蘿蔔性冷利五藏

輕身根服之食人白淨飢細日華子云蘿蔔平能消痰止欬治肺癰吐血溫中補不足治勞瘵欬嗽和羊肉鯢

魚煮食之子水研服吐風痰醋研消腫毒不可以地黃同食



圖經

文具無  
青條下

食醫心鏡

治消渴口乾蘿蔔絞  
汁一升飲之則定

又方

主積年上氣咳嗽多痰喘促唾膿  
血以子一合研煎湯食上服之

又方

下氣消殺去痰癖肥健作  
羹食之生絞汁服理煩渴

簡要濟衆

治消渴獨勝散出子了蘿蔔三枚淨洗薄切  
日乾為末每服二錢煎豬肉汁澄清調下食

後并夜卧

日三服

勝金方

治風痰以蘿蔔子為末溫水調一匙頭良久吐  
涎沫如是攤緩風以此吐後用堅疎藥服疎

後服和

氣散差

久病日重人言

又方

治肺疾咳嗽以子半升淘淨洗焙乾於銚子內炒令黃熟為末以沙糖丸如彈綿裏含之

洞微志

蘿蔔解麪毒

楊文公談苑

江東居民歲課種蘿初年種芋三十畝計省米三十斛次年種蘿畝三十畝計益米

三十斛可和蘿蔔消食也爾雅茭蘆菰耶璞注菰為菰蕪菁屬紫花大根俗呼雹羹更始敗振庭中宮女數百

人幽閉殿門內掘庭中蘆菰根食之今蘿蔔是也

偏頭疼

用生蘿蔔汁一蜺殼仰卧注之鼻左痛注左右痛注右左右俱注亦得神效

衍義曰

萊菰根即前條所謂蘆菰今人止謂之蘿蔔河

人髭髮白世皆言草木中惟此下氣速者為其辛也不然如生薑芥子又辛也何止能散而已萊菰辛而又甘

故能散緩而又下氣速也  
散氣用生薑下氣用萊菔



菜 菘



菰

音蒿

味甘溫無毒主通利腸胃除胃中煩解酒渴

陶隱居云

菜中有菰最為常食性和利人無餘逆忤今人多食如似小冷而又耐霜雪其子可作油傅頭長髮塗刀劍令不縮音秀其有數種猶是一類正論其美與不美爾服藥有甘草而食菰即令病不除唐本注云菰菜不生北土有人將子北種初一年半為蕪菁二年菰種都絕將蕪菁子南種亦二年都變土地所宜頭有此例其子亦隨色變但麤細無異爾菰子黑蔓菁子紫赤大小相似惟蘆葍子黃赤色大數倍復不圓也其菰有三種有牛肚菰葉最大厚味甘紫菰葉薄細味少苦白菰似蔓菁也臣禹錫等謹按陳藏器云去魚腥動氣發病薑能制其毒葉大多毛者是蕭炳云北人居南方不勝土地之宜遂病足尤宜忌菰菜又云消食下氣治瘴氣止熱氣嗽冬汁尤佳日華子云涼微毒多食發皮膚風癢痒梗長葉瘦高者為菰葉闊厚短肥而痺及梗細者為蕪菁

菜也陳士良云紫花菘平無毒行風氣去邪熱氣花可以糟下酒藏甚美爾雅云苞苳菜吳人呼楚菘廣南人呼秦菘此菘臺不毒宜食之

### 圖經曰

菘舊不載所出州土今南北皆有之與蕪菁相類梗長葉不光者為蕪菁梗短葉闊厚而肥瘠者為菘舊說菘不生北土人有將子北土種之初一年半為蕪菁二年菘種都絕猶南人之種蕪菁而今京都種菘都類南種但肥厚差不及耳揚州以種菘葉圓而大或若筴噉之無滓絕勝他土者此所謂白菘也又有牛肚菘葉最厚味甘疑今揚州菘近之紫菘葉薄細味小苦北土無有菘北蕪菁有小毒不宜多食然能殺魚腥最相宜也多食過度惟生薑可解其性

### 食療

溫治消渴又發諸風冷有熱人食之亦不發病即明其性冷本草云溫未解又消食亦少下氣

九莢菰出河西葉及大根亦麤長和羊肉甚美常食之都  
不見發病其冬月作菹煮作羹食之能消宿食下氣  
治嗽諸家商略性冷非溫恐誤也又此無  
菰菜南無蕪菁其蔓菁子細菜子麤也

聖惠方

治酒醉不醒用菰菜子二合  
細研并花水一盞調為二服

食醫心鏡

主通利腸胃除胃中煩熱解酒渴菰菜  
二斤煮作羹啜之止渴用作菹食亦得

傷寒類要

辟溫病菰菜如粟米酒服  
方寸七日三辟五年溫

又方

治發背杵地菰汁一  
升日再服以差止

子母祕錄

主小兒赤游行於上下  
至心即死杵菰菜傅上

行義曰

菰菜張仲景傷寒論凡用甘草皆禁菰菜者是  
此菰菜也葉如蕪菁綠色差淡其味微苦葉嫩



稍聞不益中虛  
人食之覺冷

苦菜味苦寒無毒主五藏邪氣厭

於協切伏也

穀胃痺腸癖

渴熱中疾惡瘡久服安心益氣聰察少卧輕身耐老耐

飢寒高氣不老一名荼草一名選一名游冬生益州川

谷山陵道傍凌冬不死三月三日採陰乾

陶隱居云疑此即是今茗

茗一名茶又令人不眠亦凌冬不凋而嫌其止生益州

益州乃有苦菜正是苦識音式爾上卷上品白英下已

注之桐君錄云苦菜三月生扶疎六月華從葉出莖直

黃八月實黑實落根復生冬不枯今茗極似此西陽武

昌及廬江晉熙皆好東人正作青茗茗皆有淳飲之宜

人凡所飲物有茗及木葉天門冬苗并菰萁皆益人餘

物並冷利又已東間別有真茶火煏作卷煮為飲亦令人不眠恐或是此俗中多煮檀葉及大皂李作茶飲並冷又南方有瓜蘆木亦似茗苦澀取其葉作屑煮飲汁即通夜不睡煮鹽人惟資此飲而交廣最所重客來先設乃加以香芼音耄輩唐本注云苦菜詩云誰謂荼苦又云堇荼如飴皆苦菜異名也陶謂之茗茗乃木類殊非菜流茗春採為苦茶音遲遐反非途音也按爾雅釋草云荼苦菜釋木云檟苦茶二物全別不得為例又顏氏家訓按易通卦驗玄圖曰苦菜生於寒秋經冬歷春得夏乃成一名游冬葉似苦苣而細斷之有白汁花黃似菊此則與桐君略同今所在有之苦識乃龍葵爾俗亦名苦菜非茶也臣禹錫等謹按蜀本圖經云春花夏實至秋復生花而不實經冬不凋陳藏器云苦識味苦寒有小毒搗葉傅小兒閃癖煮汁服去暴熱目黃秘塞葉極似龍葵但龍葵子無殼苦識子有殼蘇云是龍葵誤也人亦呼為小苦耽崔豹古今注云苦識一名識子

有實形如皮  
芥子圓如珠

月令

王瓜生  
苦菜秀

行義曰

苦菜四方皆在北道則冬方彫斃生南方則  
冬夏常青此月令小滿節後所謂苦菜秀者是

此葉如苦苣更狹其綠色差淡折之白乳汁出常常點  
癰子自落味苦花與野菊似春夏秋皆旋開花去中熱  
安心  
神

荏子味辛溫無毒主欬逆下氣溫中補體

葉主調中去臭氣九月採陰乾

陶隱居云荏狀如蘇高  
大白色不甚香其子研

之雜米作糜甚肥美下氣補益東人呼為蕪音魚以其  
似蕪字但除禾邊故也筭其子作油月煎之即今油帛

及和漆所用者服食斷穀亦用之名為重油唐本注云別錄荏葉人常生食其子故不及蘇也今按陳藏器本草云荏葉搗傅蟲咬及男子陰腫江東以荏子為油北土以大麻為油此二油俱堪油物若其和漆荏者為強爾臣禹錫等謹按孟詵云荏子其葉性溫用時搗之治男子陰腫生搗和醋封之女人綿裏內三四易蕭炳云又有大荏形似野荏荏高大葉大小荏一倍不堪食人收其子以充油絹帛與大麻子同其小荏子欲熟人採其角食之甚香美大荏葉不堪食日華子云荏調氣潤心肺長肌膚益顏色消宿食止上氣欬嗽去狐臭傅蛇咬子下氣止嗽補中填精髓

# 食療

主欬逆下氣其葉杵之治男子陰腫謹按子壓作油用亦少破氣多食發心悶溫補中益氣通

血脈填精髓可蒸令熟烈日乾之當口開吞取米食之亦可休糧生食止渴潤肺

梅師方

治瘧中人以荏葉爛  
杵猪脂和薄傅上



黃蜀葵



黃蜀葵花治小便淋及催生又主諸惡瘡膿水久不差者作末傅之即愈近道處處有之春色苗葉與蜀葵頗相似葉尖狹多刻缺夏末開花淺黃色六七月採之陰

乾用

新定

圖經

文具冬葵條下

經驗後方

治臨產催產以黃蜀葵子焙乾為末并華水下三錢匕如無子以根葉細切煎汁令

濃滑待冷服

行義曰

黃蜀葵花與蜀葵別種非為蜀葵中黃者也葉心下有紫檀色摘之別為數處就日乾之不爾



即浥爛瘡家為要藥子臨產時取四  
十九粒研爛用溫水調服良久產



紅蜀葵



蜀葵味甘寒無毒久食鈍人性靈根及莖並主客熱利  
小便散膿血惡汁葉燒為末傳金瘡煮食主丹石發熱  
結痔碎傳火瘡又葉灸煑與小兒食治熱毒下痢及大  
人丹痢擣汁服亦可恐腹痛即煖飲之

花冷無毒治小兒風癰子冷無毒治淋澀通小腸催生  
落胎療水腫治一切瘡疥并癰疽土靨花有五色白者  
療痲瘡去邪氣陰乾末食之小花者名錦葵一名莪葵  
功用更强

爾雅云莪莪釋曰莪一名莪葵郭曰蜀葵  
也似葵華如槿花戎蜀蓋其所自也因以名

之新補見陳  
藏器曰華子

圖經

文具冬  
葵條下

聖惠方

治婦人白帶下臍腹冷痛面色痿黃日漸虛  
困以白葵花一兩陰乾為末空心溫酒下二

錢如赤帶  
下用赤花

千金方

治橫生倒產末葵  
花酒服方寸匕

經驗後方

治癰毒無頭杓  
蜀葵末傅之

孫真人

食之狗咬瘡不差  
又能鈍人情性


行義曰

蜀葵四時取紅單葉者根蔭  
乾治帶下排膿血惡物極驗

欽定四庫全書

卷二十七

龍 葵



龍葵味苦寒無毒食之解勞少睡去虛熱腫其子療丁

腫所在有之

唐本注云即關河間謂之苦菜者葉圓花白子若牛李子生青熟黑但堪煮食不任

生噉唐本先附臣禹錫等謹按藥性論云龍葵臣能明目輕身子甚良其赤珠者名龍珠服之變白令黑耐老若能生食得苦者不食佗菜十日後則有靈異不與葱薤同噉孟詵云其味苦皆授去汁食之

圖經曰

龍葵舊云所在有之今近處亦稀惟北方有之北人謂之苦葵葉圓似排風而無毛花白實若

牛李子生青熟黑亦似排風子但堪煮食不任生噉其實赤者名赤珠服之變白令黑不與葱薤同食根亦入藥用今醫以治發背癰疽成瘡者其方龍葵根一兩剉麝香一分研先搗龍葵根羅為末入麝香研令勻塗於瘡上甚善



食療

主丁腫患火丹瘡  
和土并傳之尤良

經驗方

治癰無頭擣  
龍葵傳之

食醫心鏡

主解勞少睡去熱腫龍葵  
菜煮作羹粥食之並得

苦耽苗子味苦寒小毒主傳尸伏連鬼氣疰忤邪氣腹  
內熱結目黃不下食大小便澀骨熱嗽嗽多睡勞乏嘔  
逆痰壅疹癖痞滿小兒無辜瘰子寒熱大腹殺蟲落胎  
去蠱毒並煮汁服亦生擣絞汁服亦研傳小兒閃癖生  
故墟垣塹間高二三尺子作角如撮口袋中有子如珠

熟則赤色人有骨蒸多服之關中人謂之洛神珠一名

王母珠一名皮弁草又有一種小者名苦蕒新補

苦苣味苦平一云寒除面目及舌下黃強力不睡折取莖

中白汁傅丁腫出根又取汁滴癰上立潰碎莖葉傅蛇

咬根主赤白痢及骨蒸並煮服之今人種為菜生食之

久食輕身少睡調十二經脈利五藏霍亂後胃氣逆煩

生搗汁飲之雖冷甚益人不可同血食一本作蜜食作痔疾

苦苣即野苣也野生者又名菹苣今人家常食為白苣

江外嶺南吳人無白苣嘗植野苣以供厨饌

新補

行義曰

苦苣搗汁傅丁瘡殊驗青苣陰乾以備冬月為末水調傅

苣菹味苦平無毒主安中利人可久食

陶隱居云長安中乃有苣菹園

北人甚重此江南人不甚食之以無味故也外國復別有苣菹草以療目非此類也唐本注云苣菹莖葉平根寒主熱病煩滿目黃赤小便黃酒疸搗取汁服一升令人吐利即愈臣禹錫等謹按孟詵云患疸黃人取根生搗絞汁服之良又利五藏輕身洗去脾胃間邪氣諸惡熱毒少食好多食當冷氣入筋中即瘦人亦能輕身健人更無諸益日華子云涼去腹

藏邪氣脾胃間熱氣通小腸

食療

彼處人採根作土黃耆也又安中利五藏煮和醬食之作羹亦得

衍義曰

首蓿唐李白詩云天馬常嘶首蓿花是此陝西甚多飼牛馬嫩時人兼食之微甘淡不可多食

利大小腸有宿根刈訖又生

薺味甘溫無毒主利肝氣和中其實主明目目痛

陶隱居云

薺類又多此是今人可食者葉作薺羹亦佳詩云誰謂荼苦其甘如薺是也臣禹錫等謹按藥性論云薺子味甘平患氣人食之動冷疾主青盲病不見物補五臟不足其根葉燒灰能治赤白痢極效孟詵云薺子入治眼方中用不與麵同食令人背悶服丹石人不可食陳士良云實亦呼薺子主墮去風毒邪氣明目去障翳解熱毒久食視物鮮明四月八日收實良其花將置席下辟蟲日華子云薺菜利五藏根療目疼

聖惠方

治暴赤眼疼痛淚澀薺菜根汁點目中

### 三種陳藏器餘

蕨葉似老蕨根如紫草按蕨味甘寒滑去暴熱利水道  
令人睡弱陽小兒食之脚弱不行生山間人作茹食之  
四皓食之而壽夷齊食蕨而夭固非良物搜神記曰郝  
鑒鎮丹徒二月出獵有甲士折一枝食之覺心中淡淡  
成疾後吐一小蛇懸屋前漸乾成蕨遂明此物不可生  
食之也

食療

寒補五藏不足氣壅經絡筋骨間毒氣令人脚  
弱不能行消陽事令眼暗鼻中塞髮落不可食

又冷氣人食之多腹脹

毛詩

涉彼南山言采其薇又曰言采其薇是薇俱可食

伯夷叔齊

採薇而食恐薇非薇也今永道江居民多以醋淹而食之

翹搖味辛平無毒主破血止血生肌亦充生菜食之又主五種黃病絞汁服之生平澤紫花蔓生如勞豆詩義疏云茗饒幽州人謂之翹饒爾雅云柱天搖車也

食療

療五種黃病生搗汁服一升日二差甚益人利五藏明耳目去熱風令人輕健長食不厭煮熟

喫佳若生喫令人吐水

甘藍平補骨髓利五藏六腑利關節通經絡中結氣明  
耳目健人少睡益心力壯筋骨此者是西土藍閣葉可  
食治黃毒者作菹經宿漬色黃和鹽食之去心下結伏  
氣

食醫心鏡

甘藍菜作菹  
菹煮食並得

壺居士

隴西多種食之漢地  
少有多食令人少睡

證類本草卷二十七